

四明叢書

張宗祥



四明叢書

四明張氏約園開雕

四明叢書第五集序

壽鏞既采吾鄉志乘所錄先哲著述曰四明經籍志懼其遺而未備也未敢問世更就兩浙學術沿流溯源述而資來者之考證然亦未敢自信也今者王騰軒先生與馮五橋先生所輯宋元學案補遺一百卷幸而刊成先生鄞人也學術闢天下固非一鄉所得而私然成於我鄉人之手不得官爲之刊而入諸四明叢書第五集昔人云學案與四明有緣不信然哉讀黃全學案宋元之際吾鄉先生登學錄者已得二百數十人補遺幾倍

之而寓賢尙不與焉雖其著述不盡傳而學行往往藉此以著敢彙而一敘其概學案百卷吾鄉先哲之列於案首者曰楊慈湖簡曰袁絜齋雙曰舒廣平璘沈定川煥曰王深寧應麟曰黃東發震曰史靜清蒙卿曰趙寶峯偕凡八人若晁景迂說之則謫居甬上船場者也並列案首其學實本於姜至之潛至之嘗爲明州錄事固泰山弟子也王深寧曰四明自唐爲州宋慶曆中始詔州縣立學山林特起之士卓然爲鄉師表或授業鄉校或講道閭塾本之以孝弟忠信維之以禮義廉恥養成

英材純明篤厚百年文獻益盛以大五先生之功也五
先生者楊大隱適杜石臺醇王鄞江致樓西湖郁王桃
源說也全謝山於是有慶曆五先生書院記五先生著
述雖不傳而王鄞江集九卷王桃源五經發源及文集
十卷樓西湖集三十卷猶見其目於鄉志云桃源從大
隱游其弟王望春該有遺藁十卷其孫勳曾孫正已能
紹其學鄞江之弟子則有范文正公姪堦周敦夫師厚
又有史冀公簡豐相之稷袁公濟穀汪德溫洙俞仲寬
偉陳君益據姚舜徒蔡德溫著春秋訓詁或作訓傳而周敦

夫子廉彥鏐有文集二十卷史升之詔爲冀公子舒顙
堂廩有信道集皆爲西湖弟子西湖子常桃源子珩有
經傳異同論望春有子瓘敦夫次子銖有文集二十卷
公濟有文集七十卷相之有古易正說尚書正說魯詩
正說禮記正說春秋正說孟子註等書皆佚今壽鏞就
李朴所編豐清敏遺事旁搜羣籍曰豐清敏遺書六卷
俾傳於世陳了齋瓘倅居南湖之南藍又爲清敏弟子
蒼四明尊堯集有子曰正彙有孫曰大方若蔣璿蔣琬
爲浚明之子了齋弟子也若豐安常豐宜之誼則豐氏

一傳再傳也樓攻媿鑰則西塘續傳也有金滕圖說及
攻媿集一百二十卷別本爲三十卷嘗私淑朱子湛深
經術至若安定弟子則有翁南仲升著易說十卷錢君
倚公輔官於甬興水利謝山詠偃月隄嘗及之龜山弟
子則有趙庇民敦臨高息齋閔童持之大定王穎彥庭
秀胡浚明宗伋生餘姚避地居明越士多歸之而魏碧
溪杞汪適齋大猷舒德觀陂又爲庇民弟子持之並爲
息齋弟子浚明有子沂庇民著書說二十六卷詩解四
十卷三禮發微四卷春秋正宗三十卷論語解二十卷

孟子解十四卷文豪五十卷抑崇有厚終禮一卷鄉飲
酒儀春秋集註四十卷穎彥有磨衲集王深寧嘗斥之
碧溪有山房集三十卷適齋有五經會要及存彙二十
冊洛學之來甬上蓋由來矣曹放齋粹中爲李泰發光
之壻泰發乃劉元城安世弟子放齋著易解及詩說平
山文豪吾鄉詩學自放齋始程沙隨迴由寧陵徙居餘
姚爲喻湍石樗弟子而高萬竹元之實從沙隨游萬竹
有易解一卷詩解一卷春秋義宗一百五十卷論語傳
一卷及茶甘甲乙彙先是息齋集註春秋萬竹繼之吾

鄉稱爲春秋二高不以名位甲乙也碧溪弟子則有陳
安行居仁張雪窗良臣安行有制藁二十卷詩文雜著
十卷良臣卽武子也有雪窗集陳立道卓爲菊坡第五
子樓攻媿稱菊坡精力德量舉不可及立道則再世見
之者也陳君衡允平爲安行孫立道之猶子詩詞與吳
夢窗文英翁處靜元龍齊名君衡有西麓繼周集蜩鳴
藁日湖漁唱及詩藁夢窗有夢窗集處靜有龜巢集史
直翁浩最受橫浦之知乾淳諸老其連茹而起者皆直
翁力也旣遣諸子從慈湖絮齋講學又延定川之弟季

文炳於家以課諸子其登學錄者若子固叔彌堅從子
良叔彌忠和旨彌林獨善彌鞏其孫子仁守之子應定
之質之獨善之孫卽靜清也直翁有尙書講義二十二
卷周官講義十四卷論語口義二十卷及鄭峯真隱錄
五十卷固叔有滄洲藁獨善有文集二十卷定之有鄉
飲酒儀一卷易贊善說及月湖集史氏固多佳子弟也
象山之學傳於吾鄉爲獨盛則淳熙四先生發之四先
生以舒廣平璘年最長次沈定川煥次楊慈湖簡次袁
絮齋變慈湖著述繁富壽鏞別有考附錄慈湖遺書絮

齋有家塾書鈔十卷毛詩經筵講義四卷諸經論孟禮

記論說絜齋集二十六卷後集十三卷

今存絜齋集二十四卷遺文鈔

二廣平類彙黃梨洲得其叢殘四卷而禮解或稱詩禮

講解詩學發微則已佚矣惟定川家集五卷既不傳而

臆軒先生所輯者亦未見壽鏞因絜齋所撰定川行狀

及言行編並諸書所錄編爲定川遺書六卷並定其在

竹洲講學年月蓋程門自謝上蔡以後至於林艾軒及

象山而大成而四先生又集象山之大成象山之兄九

韶爲梭山先生九齡爲復齋先生定川絜齋並師復齋

若廣平之兄琥弟琪及豐宅之有俊則亦象山弟子也
四先生皆導源於家學慈湖之父諱庭顯時稱老楊先
生卽楊通奉也與象山爲學侶廣平嘗自敘其學曰南
軒開端象山洗滌老楊先生琢磨者是也定川之父諱
銖與弟鏗銘學於焦公路瑗公路以山東布衣講學吾
鄉大涵山以紹程氏之緒其弟子舒烈作行狀謂釐判
之事焦先生極恭其後諸生所以事釐判一如之廣平
之父卽庇民弟子諱徽最與童持之講學相睦溫恭足
以警傲情粹和足以消鄙吝絜齋之父諱文嘗著寶牖

閒評八卷推節忘年問道於定川因使絜齋事之蓋從
事於躬行之實者也廣平同調則有楊獻子琛淵源經
學其弟子以奉化李景平元白爲最始受業於蔡幼學
其得之廣平者詩禮也所著讀經纂義禮記纂詩禮講
義學庸圖說語孟義類雜文五十卷時稱三江先生其
次則袁晉齋肅蒙齋之兄也廣平有子若鉞鉦銑錯鏐
從孫若津澣津有尚書解春秋集註澣有易釋二十卷
繫辭釋三卷江軒記及文彙十五卷定川弟子以益耕
道大年爲最所著有禮記訂義其次若舒紳與衍初名

沂舒鉞定川之弟季文炳最與呂大愚祖儉善大愚有
大愚集共講學竹洲定川子傳曾魯曾省曾敏曾蒙齋
嘗贈省曾以序慈湖弟子別有考見慈湖遺書以蒙齋爲最
有中庸講義孟子解孝經說及蒙齋集謝山作城南書
院記以爲晚宋無先之者是也其次若陳和仲墳著述
不傳桂石坡萬榮有石坡書義及論語精義十卷童杜
洲居易有寧吾集許止齋字沈清遐之子民獻清遐者
諱文彪與蔣秉信存誠並爲慈湖講友又如劉子固厚
南有寶山雜著沈清遐壻也父勉字懋伯馮振甫興宗

與從弟國壽時稱二馮慈湖有子磬齋恪其五世孫芮
字大章芮之子伯純絜齋弟子若胡正之誼有尙書釋
義十卷胡牧之謙有易說易林徐恭先愿舒仲與衍袁
彥淳韶絜齋有子晉齋肅蒙齋甫有曾孫德平哀著臥
雪齋集彥淳曾孫有清容桷著易說春秋三解清容集
致亭集石坡桂氏杜洲杜氏累代不替桂氏若容齋同
德清溪彥良古香堞童氏若松簷鐘聲伯鉉子丹金杜
洲更有弟子曹久可漢炎嚴草堂畏和仲有子蒙清遐
續傳有沈明大輝卿沈源明大嘗使其子源與其婿唐

伯度轅受業於定海尹汪遜齋汝懋轅有弟仲規輪叔直轅季齊輻則學於戴九靈良者也仲弟子有全謙孫全晉孫謙孫父汝梅季弟頤孫子耆晉孫之子彥宇遜翁黃南山潤玉聞其教因得理趣焉朱自乾淳以後學分三派朱學也呂學也陸學也淳熙四先生傳陸學而孫吉甫枝父允受沈簽判銖學吉甫早從樓攻魏鑰沈定川煥袁絜齋變游及見徽國文公而證所受遂學雄文望於一時所著有書解十三篇及海上稟余訥菴端臣實從輔潛菴廣游潛菴固朱呂弟子也訥菴以授